

## A Aktivitatnan speshal:

### ❖ Yama disipelnan. Marko 1:16-20.

- Marko ta wòrdu karaktisá dor di su brevedat. Si nos no a konsultá e otro evangelionan, nos lo por yega na konklushonnan eroneo tokante di e yamada aki.
- Esaki no tabata e promé bia ku e hòmbenan aki a kontra ku (topa ku) Hesus. Komo siguidónan di Juan Boutista, nan a tende su palabranan tokante di Hesus, i nan a siguiE. E proménan pa hasi asina tabata Andres i Juan, siguí dor i nan respetivo rumannan hòmber (Juan 1:35-42).
- Hesus ta prediká for di Pedro su boto, i e ora ei un kohida milagroso ta tuma lugá. E kuater rumannan hòmber su redanan kasi a wòrdu kibrá(di sker) dor di e kantidat di piská (Lukas 5 :1-7). Mientras Santiago i Juan ta lapi e redanan, Pedro ta kai na Hesus Su pia (Lukas. 5:8-11).
- Jakòb i Juan a laga nan tata enkargá ku e negoshi di famia, i Pedro i Andres a laga nan mantenshon di bida pa ta ganadónan di alma. Dor di obedese e yamada di Hesus, nan a kambia nan bida, i e bida di e mundu kompleto..

## B Aktivitatnan riba Sabat:

### ❖ Prediká den e snoa. Marko 1:21-28.

- E evangelionan ta hasi esaki kla ku baiendo na e snoa riba Sabat tabata un kustumber di Hesus, no un evento isolá (Lukas. 4:16).
- Kon e hendenan a reashoná na Hesus Su predikamentu? (Marko 1:22).
- Pero no ta tur hende tabata kontentu. E enemigu a disidí pa interumpí e servisio, sperando pa anulá Hesus Su influensia (Marko 1:23-26). Un intervenshon rápido a kousa ku e hendenan pa wòrdu asta mas influensia dor di djÉ (Marko 1:27-28).
- Tres realidatnan ta sobresalí for di e historia aki:
  - (1) **Tabatin un demoño den e iglesia.** Tin “ yerbanan malu ” den e iglesia, i nos no por distingí nan (Mat. 13:24-30).
  - (2) **E demoño tabata sa Ken Hesus tabata,** i a buska un manera pa neutralisá Su influensia.
  - (3) **Hesus a dun’ é òrdu pa ta ketu.** No tabata e tempu pa deklará Su mes abiertamente komo e Mesias.

### ❖ Kura. Marko 1:29-34.

- Mientras ku nan tabata prepará e mesa, nan a bisa Hesus tokante di Pedro su suegra, ataká dor di keintura (Marko 1:30). Ora ku el a wòrdu kurá, e muhé aki a dediká su mes na sirbi e bishitanan (Marko 1:31). E benefisionan ku Hesus ta kompartí na nos ta provoká den nos e deseo pa kompartí nan ku otronan.
- E milager di esun poseí pa e demoño tabata e tópiko di e kombersashon den hopi hogarnan na Kapernaum. Pesei, na final di e oranan sagrado di e Sabat, ora ku e solo a baha, nan a trese hopi hende enfermo na Hesus pa wòrdu kurá (Marko 1:32-34).
- Ki un goso! Ki gritunan di alabansa a rezoná den Simon su kas! Y no solamente esnan ku a wòrdu kurá ta alabá, pero Hesus mes a regosihá den trese nan kuramentu(saniamentu).

## C Aktivitatnan diario:

### ❖ Hasi orashon i predika. Marko 1:35-39.

- Pero Hesus no tabata aktua riba Su propio iniciativa. Komo kustumber, El a bai promé pa papia ku Su Tata asina ku E lo por bis’É loke E lo tin di hasi e dia ei (Marko. 1:35; Juan. 8:28).
- Tur dia Hesus tabata kustumbrá di buska Dios den orashon, i E ta invita nos pa imit’E (Marko 6:46; Lukas 3:21; 5:16; 9:18; 11:1; 18:1). Den situashonnan speshal, asta El a dediká anochinan kompleto na orashon (Lk. 6:12-13; Mt. 14:21-23).
- Nos no mester, meskos ku Hesus, buska Dios tur dia den orashon pa sa Su boluntat? Den situashonnan speshal, nos lo no busk’É speshalmente den orashon?

### ❖ Kura i respetá e Lei. Marko 1:40-45.

- E leproso, isolá for di tur kontakto humano debí na su enfermedat, a rudiá dilanti di Hesus rogando pa saniamentu (Lev. 13:45; Marko 1:40).
- Hesus ta mishi ku e leproso i pa esei ta bira sushi. Pero, enbes di risibi e leproso su impuresa, e leproso a risibí Hesus Su saniamentu.
- Segun ku nos ta bini na Hesus ku nos pikánan i sushedat, E lo no bai for di nos. E lo duna nos pordon i saniamentu, hasiendo nos limpi manera É.
- Despues di a kur’ é, El a duna dos òrdu ku un dòbel propósito (Marko 1:44):
  - (1) Mostra bo mes na e saserdotenan: El a mostra Su rèspèt pa e lei; Esaki a duna e saserdotenan e oportunidat pa asept’É komo e Mesias.
  - (2) Pa silencio: El a prevení e saserdotenan di tin e tendensia pa ta kontra e leproso; El a evitá di ta lanta antispashon mesianiko den e multitutnan.